

kisuahlahlama valahluvahlv

kiariari akuisa hlipararahlamana, miararuma Hla'alua maruka ucani
muriparana 'ihlicu varatv, arupauhlimaiatuhluhlu miararuma, maru liliunga
takuaari maiatuhluhlu miararuma, uramangu tahlana usumanv maci maruka
muacukvhlv rutahlav, maru mvmva ma miararuma ucani muriparana
valahluvahlv, ma miararuma miaulvsv cucutahlana aariaari mangusipi.

maru ucani aari, amihla ahlaina varatvan hlahlusaisa: arinani
ihlakucua mualihlu musa takuaari miararuma, muasacuaku taku'i'iarv.
musacua ahlaina varatva, maru miararuma takuaari kupausu'ulua
hlahlusaisa, takacicihli takuhlusuhlsu taku'i'iarv, miungucu araruvana
rumahlav, pausu'ulua hlahlusaisa tiaraisa kuna puaili? pitahlusuhlsu
upapalu, kurahlua puailicua ahlainaisa, hlahlusaisa kupakisusuahlaisana,
umacuka matata rumahlav hlamaiahluca hlahlusaisa, mualihlucu musa
takuaari, sasvputa ahlainaisa, amihlaisana: ihlakumana'ai araratava muasa
takuaari arinani.

patvrmvrmva hlahlusaisa, patuhluhlu ahlainaisana aunanacu
tararianvkaru ahlainaisa apatakuaari ahlainaisa, miungucu araruvana aunana
pautukarahlacu ahlainaisa ruvanacu puaili, rumiacu pautukarahla

tumuahlahlusaisa maacahlia hlicaliva hlitakumia rumahlav.

umacuka matata, aunanamana ahlainaisa pitai'ahlv hlahlusaisa

muasalacuaku taku'i'iarv, musala hlahlusaisana malavavilihlisana kumita,

tumua maacahlia hliparaahliaisai, kurahlua, mutvahlv ahlainaisa nua hlahlusa

valahluvahlvna, maisana arukarumukuka sasua, umarucarucakvka

hlahlusaisa varatva, paripa paripusipusi kiu'utataisa apukua likusu

valahluvahlvna apupikulu, aunanaka hliparapihlaisa hlahlusa valahluvahlvna

alapikuluka likusuisa miungu kani'i.

彩虹的故事

拉阿魯哇部落有對風神夫妻，輪流守護部落，部落也住著彩虹夫妻。有天，風神妻子巡查部落晚歸，丈夫沒有覺得異常，但隔天應該換風神丈夫出門巡查時，妻子卻說：今天還是讓我去巡查。風神丈夫以為是妻子體貼，便答應了，傍晚又發現妻子晚回家，便起了懷疑，隔日早上，風神妻子出門工作後，丈夫偷偷跟著，發現妻子與彩虹丈夫見面，看似親密，生氣的吹了一口大氣，將彩虹先生吹得腰都彎了。這也是彩虹彎彎的原因。